

Kisah dari Samudera: Usurpa

Tidak ramai Book Bugs yang tahu asal usul Usurpa — bukan Usurpa yang kita kenali sekarang, iaitu ratu Castle Verglas yang angkuh — tetapi siapa dia sebelum semua itu. Nah, anda bertuah, kerana saya dikenali sebagai pencerita yang serba tahu dan saya ada cerita untuk anda hari ini.

Pada suatu hari, Raja Castle Verglas lenyap dengan begitu sahaja. Tidak ramai yang sedih dengan kejadian ini, kerana dia memang dikenali sebagai seorang yang berotak licik dan berhati dingin. Yang tinggal selepas kehilangannya adalah mahkota emasnya yang berkilauan, dihiasi dengan kristal air batu.

Namun, rakyat jelata menjadi kacau-bilau tanpa raja, dan mereka bergegas untuk mencari calon raja yang baru. Masalahnya — mahkota raja yang terdahulu terlalu sejuk. Sesuai dengan kerabat diraja Samudera yang selalu bermusim sejuk, mahkota Castle Verglas terasa sejuk apabila disentuh, satu perkara yang perlu ditanggung oleh raja seterusnya.




Kisah dari Samudera: Usurpa

Bugs dari seluruh negeri telah dikerah ke istana. Mereka bersaing untuk menyandang gelaran raja dengan mencuba memakai mahkota itu. Walau bagaimanapun, kebanyakannya tidak dapat menahan kesejukannya, malah melemparkannya ke tepi sebaik sahaja ia diletakkan di atas kepala mereka.

Pada akhirnya, rakyat yang terdesak itu mengalihkan perhatian mereka ke sebuah bandar kecil yang sunyi yang terletak di bawah naungan bayang-bayang Castle Verglas. Mereka menyeru penduduknya supaya tampil sebagai calon.

Yang muda dan tua, yang kaya dan miskin, kesemuanya dialu-alukan datang ke pintu gerbang istana — termasuklah Anna yang cilik, anak jalanan yang kais pagi makan pagi, kais petang makan petang untuk menyara kehidupannya di jalanan setiap hari.

Rakyat tidak mengambil peduli sangat apabila si cilik ini secara diam-diam mendekati takhta. Apabila mereka meletakkan mahkota sejuk itu di atas kepala kecilnya, Anna tersenyum. Saat berlalu, bertukar menjadi minit. Namun, Anna tidak menggigil sedikit pun tanda tidak selesa. Ketika itulah mereka sedar siapa dia — ratu baru Castle Verglas.



Kisah dari Samudera: Usurpa

Si cilik Anna melangkah masuk ke istana, tetapi yang menaiki takhta adalah Usurpa. Ternyata mahkota sejuk itu membawa padah kepada pemakainya: semakin lama ia dipakai, semakin sejuk dan keras hati pemakainya.

Tanyalah mana-mana Book Bug dan anda hanya akan mendengar tentang kelicikan dan hasrat Usurpa. Tetapi pernah pada suatu masa dahulu, dia hanya seorang budak bernama Anna — sehinggalah mahkota emas berpuaka itu mengeraskan hatinya menjadi sekeras air batu.

